



m wēen ne a Mohammad yōorā sēn be Ning nugē wā, ad bākā ko-teesā waooglemā yūda saaga ādse la a bōn-witi

Yii a Abu Zarr nengē, -Wēnd yarde be a yīnga- a yeelame: Mam yeelame : Wēnd Tēn-tuuma bākā ko-tees yaa ne bōe? Tı Nabıyyamā yeele: «m wēen ne a Mohammad yōorā sēn be Ning nugē wā, ad bākā ko-teesā waooglemā yūda saaga ādse la a bōn-witi, tı b woglemā yaa wala yung lik sēn ka tar sawat keelem, arzānā ko-teesā ned sēn yū b pugē, a kōn n leb tall ko-yūud lae ye, sambond a yiib n kiigd arzānē wā, ned ning sēn yū fāa a kōn n tol n tall ko-yūud ye, a yalmā zarem yaa wala sēn be Amaan n tug tāag [ıla, a koomā peelem yūda bīsim t'a noomā yūd sudo».

[Naşun Şahuhun (Gom-sikdem sēn manege)] [A Muslim n togs-a]

Nabiyaamā, -Wēnd puusg la A tılgr be a yīnga-, a vēenegame, tı ad yē bākā ko-teesā dūni yıkr raarā, b waooglem yūda saaga ādsā la a bōn-witi wā, La woto vēnegda kiuug sēn ka be yung lik pugē, bala yung ning kiuugā sēn be wā, ādsā ka pukd wusgo, kiuugā peelmā rık-b lame, tı b solge, la yung lik nink sawat sēn ka be wā, bala sawatā belmā yaa būmb sēn gıgdg ādsā yāabo, A leb n wilgdame tı arzānā ko-teesā, ned ning sēn wa n yū bōn-yūudi nins sēn be beenē wā, ko-yūud ka le yōkd-a lae, yēnda yūubā la ko-yūud baasg sēn na n paam neda, A leb n wilgdame t'a bākā sēn be arzānā yaa sāmpond a yiib sēn be arzānā n kiigd a pugē, la a yalmā la a woglemā yaa yembre; Rēnd bākā, a veen-n-vılsā fāa zemsa taaba, a woglemā yıta wala zārem sēn be Ammaan, yē me yaa tēng sēn be Saam wεengē wā, n tug n tāag Ayla, yē me yaa tēnga sēn leb n be Saam kıremse wā, La bākā koomā, a peelmā yūda bīsim, t'a noomā yūd sudo.

<https://sunnah.global/hadeeth/mos/show/65032>

